

quartus commentarii textusque partem. Qui supersunt codices, nullius erant auctoritatis ad textum, quem mihi proposueram, constituendum: enumerandi tamen sunt, ne ii, quibus hoc cordi est, ignorent, unde ampliora subsidia critica sint quærenda. In universum hic monuisse sufficiat omnes codices esse chartaceos.

A. Inter libros, quos Bibliotheca Soc. Reg. Asiat. Londinensis liberalitati debet et munificentiae V. Cl. JACOBI TOD. Scriptura Devanagarica, 116 foliis, integrum tenet carminis textum. Annum sic expressit scriba ad calcem libri: संवति खखहरिहरिचन्द्रमिते ऋदे i. e. *Samvat* 1700. (A. C. 1644.)

Novem qui sequuntur codices Londini asservantur in Curia Indica.

B. E libris, quos princeps GAIKOWAR dono dedit Societati mercatorum in Indiam commeantium. In Bibliothecæ Catalogo numero 1962 notatus. Scriptura Devanagarica, 107 foliis continet textum. Scriptus est *Samvat* 1745 (A. C. 1689). Ad finem capitis noni, casu amissi, sed ex alio codice restituti, legitur *Samvat* 1797 (A. C. 1741). Desideratur folium 104.

C. E libris principis GAIKOWAR. Catal. No. 2059. Scriptura Devanagarica, 59 foliis continet novem capita prima. Sine anno. Idem volumen 36 foliis continet septem, quæ supersunt, *Kumârasambhavæ* carminis capita, scripta *Samvat* 1806 (A. C. 1750).

D. E libris principis GAIKOWAR. Catal. No. 1876. Scriptura Devanagarica, 276 foliis continet undecim priora carminis nostri capita, MALLINÁTHÆ commentario instructa.

E. Catal. No. 1316. Ex ampla illa librorum Sanskritorum collectione, quam HENRICUS THOMAS COLEBROOKE, vir nunquam satis laudandus,